

Na osnovu čl. 21. stav (2) tačka e) i stav (5) tačka a), a u vezi sa članom 23. stav (3) tačka d) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19 i 31/19), na prijedlog policijskog komesara, ministar unutrašnjih poslova Kantona Sarajevo donosi

**INSTRUKCIJU**  
**O IZMJENAMA I DOPUNAMA INSTRUKCIJE O VRŠENJU UNUTRAŠNJEG**  
**NADZORA U UPRAVI POLICIJE MINISTARSTVA UNUTRAŠNJIH POSLOVA**  
**KANTONA SARAJEVO**

**Član 1.**

**(Dopuna člana 2.)**

U Instrukciji o vršenju unutrašnjeg nadzora u Upravi policije Ministarstva unutrašnjih poslova Kantona Sarajevo, broj 01-43/19 od 16.10.2019. godine, u članu 2. dodaje se nova tačka e) koja glasi:

„e) „Naredba“ predstavlja pismeni ili usmeni nalog za vršenje unutrašnjeg nadzora, izdat Odjeljenju, od strane policijskog komesara ili načelnika Sektora uniformisane policije, uz saglasnost policijskog komesara.“

**Član 2.**

**(Dopuna člana 8.)**

U članu 8. stav (2) riječ: „Naredba“ zamjenjuje se riječima: „Pismena naredba“.

**Član 3.**

**(Izmjena člana 9.)**

Član 9. stav (2) mijenja se i glasi:


„(2) Inspektor, prije pristupanja vršenju unutrašnjeg nadzora, obavezan je da se legitimira i da upozna rukovodioca subjekta nadzora s Naredbom za vršenje unutrašnjeg nadzora, izuzev u slučajevima kada mu se izda usmena naredba od strane načelnika Sektora uniformisane policije uz saglasnost policijskog komesara ili od strane policijskog komesara izravno.“

**Član 4.**

**(Izmjena člana 12.)**

Član 12. stav (2) mijenja se i glasi:

„(2) Izuzetno od stava (1) ovog člana, u slučaju izdavanja usmene naredbe za vršenje bilo koje vrste unutrašnjeg nadzora, Odjeljenje neće najaviti vršenje unutrašnjeg nadzora.“



**Član 5.**

**(Stupanje na snagu)**

Ova instrukcija stupa na snagu narednog dana od dana njenog donošenja.

Broj: 0A-7-05-5733 /19

Datum: 26.12.2019 . godine



**MINISTAR**

**Emir Katica**